

სსიპ საქართველოს შსს აკადემია



**“ALL IN ONE” ტიპის პერსონალური კომპიუტერის
შესყიდვის გაბარტივებული ელექტრონული ტენდერის**

დოკუმენტაცია

ქ.თბილისი
2011

ს ა რ ო ბ ი

1. ინსტრუქცია ტენდერში მონაწილეობის	3
2. ტექნიკური დოკუმენტაცია	6
3. ხელშეკრულების პროექტი	8
4. დანართი №1	12
5. დანართი №2	13

ინსტრუქცია ტენდერში მონაწილეობისთვის

1.1 ელექტრონულ ტენდერში მონაწილეობის უფლება აქვს სახელმწიფო შესყიდვების ერთიან ელექტრონულ სისტემაში (შემდგომში – სისმეტემა) მიმწოდებლის სტატუსით დარეგისტრირებულ ყველა პრეტენდენტს;

1.2 ტენდერში მონაწილეობის მისაღებად პრეტენდენტს შეუძლია წარადგინოს წინადადება მხოლოდ სისტემის მეშვეობით აფიდავიტის (აფიდავიტი – დოკუმენტი, რომლის ხელმოწერილი ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციის უტყუარობისათვის) პირობებზე დათანხმებით;

1.3 აფიდავიტის დადასტურების შემდგომ საშუალება გეძლევათ წარადგინოთ სატენდერო წინადადების უზრუნველყოფის გარანტია (შემდგომში – ელექტრონული გარანტია), რომლის გადახდა ხორცილდება ნებისმიერი ბანკის მიერ გაცემული ელექტრონული ბარათის გამოყენებით, რაც გულისხმობს საგარანტიო თანხის დაბლოკვას მისი შესყიდვების სააგენტოს სპეციალურ ანგარიშზე დროებით განთავსებით. ელექტრონული გარანტიის ოდენობა შეადგენს შესყიდვის ობიექტის საგარაუდო ღირებულების 1%-ს;

1.4 გამარტივებული ელექტრონული ტენდერის ან ელექტრონული ტენდერის ჩატარებისას, ხელშეკრულების დადების, არშემდგარი ტენდერის ან ტენდერის უარყოფითი შედეგით დასრულების შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

- ა) პრეტენდენტი უარს იტყვის თავის სატენდერო წინადადებაზე;
- ბ) პრეტენდენტი შეეცვანია შავ სიაში შესაბამისი ტენდერის ჩატარების შედეგად;
- გ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების დამადასტურებელი დოკუმენტების წარმოდგენის შემთხვევაში;

1.5 ელექტრონული გარანტიის წარდგენის შემდეგ, სისტემა საშუალებას გაძლევთ გადაიხადოთ სატენდერო წინადადების საფასური (50 ლარი) ანალოგიური წესით;

1.6 სატენდერო წინადადების საფასურის გადახდის შემდეგ, აუცილებლად უნდა ატვირთოთ ტექნიკური დოკუმენტაცია, წინააღმდეგ შემთხვევაში სისტემა წინადადების წარდგენის საშუალებას არ მოგცემთ;

1.7 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა საკვალიფიკაციო მონაცემების დამადასტურებელი დოკუმენტებისა, რომელიც, თავის მხრივ არის ადმინისტრაციული ორგანოებიდან წარმოსადგენი დოკუმენტაცია;

1.8 სატენდერო დოკუმენტაციის ატვირთვის შემდეგ საშუალება გაქვთ დააფიქსიროთ სატენდერო წინადადების ფასი, კანონმდებლობით გათვალისწინებული ყველა გადასახადის გათვალისწინებით. სატენდერო წინადადების ფასის წარდგენის შემდეგ, შეუძლებელია თქვენს მიერ ატვირთული ტექნიკური დოკუმენტაციის წაშლა. სატენდერო წინადადების წარდგენისას, თქვენ ხედავთ მხოლოდ საკუთარ დასახელებას/სატენდერო დოკუმენტაციას და სხვა პრეტენდენტების მიერ შეთავაზებულ ფასს. რაც შეეხება სხვა პრეტენდენტებს, მათი ვინაობა ანონიმურია, ხოლო ტექნიკური დოკუმენტაცია – დაფარული;

1.9 თქვენ შესაძლებლობა გაქვთ ნებისმიერ დროს თქვათ უარი სატენდერო წინადადებაზე და ამისთვის უნდა გამოიყენოთ ლილაკი ”სატენდერო წინადადებაზე უარის თქმა”, თქვენს მიერ წარდგენილ სატენდერო

წინადადებაზე უარის თქმის შემთხვევაში, წარდგენილი საგარანტიო თანხა უკან არ დაგიბრუნდებათ, ხოლო კანონმდებლობით გათვალისწინებულ შემთხვევებში მოხდება თქვენი შეყვანა შავ სიაში;

1.10 ტენდერის ძირითადი დროის დასრულების შემდეგ იწყება ვაჭრობის დამატებითი სამი რაუნდი, რომელში მონაწილეობაც არ არის სავალდებულო. ასეთ შემთხვევაში ძალაში დარჩება პრეტენდენტის პირველადი ან მის მიერ ბოლოს დაფიქსირებული ფასი. ძირითადი დროის დასრულების შემდეგ იწყება პირველი შესვენება, რომელიც ისევე როგორც ყოველი შესვენება რაუნდებს შორის, გრძელდება 2 წუთს. დამატებითი რაუნდების დროს თითოეულ პრეტენდენტს ელექტრონული სისტემის საშუალებით შეუძლია შეამციროს მის მიერ წარმოდგენილი ფასი შესმსყიდველის მიერ განსაზღვრულ ბიჯზე არანაკლები ოდენობით. ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში. პირველ რაუნდში პრეტენდენტის მიერ ფასის წარდგენის რიგითობა განისაზღვრება ძირითად დროში წარდგენილი ფასის მიხედვით. კერძოდ, პირველ რაუნდში პირველ შეთავაზებას აკეთებს ის პრეტენდენტი, რომელმაც ძირითად დროში ყველაზე მაღალი ფასი დააფიქსირა, ხოლო ყოველ მომდევნო რაუნდში – ის პრეტენდენტი, რომელმაც ამ რაუნდის დასაწყისისთვის ყველაზე მაღალი ფასი დააფიქსირა. თითოეულ რაუნდში საბოლოო ფასს აფიქსირებს ის პრეტენდენტი, რომელმაც ამ რაუნდის დასაწყისისთვის დააფიქსირა ყველაზე დაბალი ფასი. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი. ელექტრონული ვაჭრობის სამივე რაუნდის დროს თითოეულ პრეტენდენტს საკუთარი შეთავაზების განხორციელება შეუძლია მისი რიგის დადგომიდან 2 წუთის განმავლობაში. სამივე რაუნდის ამოწურვის შემდეგ, სისტემა დაალაგებს ყველა შედეგს კლებადობის პრინციპის მიხედვით, რომლის შემდეგაც შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია;

1.11 სატენდერო კომისია არ ახდენს პრეტენდენტის დისკვალიფიკაციას, თუ მის მიერ სისტემაში ატვირთული ტექნიკური დოკუმენტაცია შეიცავს ისეთ უზუსტობებს რომელთა დაზუსტებაც არ გამოიწვევს მის არსებით ცვლილებას და არ მოახდენს გავლენას წინადადების ფასზე. ასეთ შემთხვევებში შემსყიდველი ორგანიზაცია მიმართავს პრეტენდენტს მის მიერ წარმოდგენილი ტექნიკური დოკუმენტაციის დაზუსტების მოთხოვნით, რისთვისაც განუსაზღვრავს გონივრულ ვადას, მაგრამ არა უმეტეს 3 სამუშაო დღისა. თუ აღნიშნულ ვადაში არ მოხდა წარმოდგენილი დოკუმენტაციის დაზუსტება, სატენდერო კომისია ახდენს პრეტენდენტის დისკვალიფიკაციას;

1.12 იმ შემთხვევაში, თუ წინადადების ყველაზე დაბალი ფასის მქონე პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს, სატენდერო კომისია მიმართავს მას საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით, რისთვისაც განუსაზღვრავს გონივრულ ვადას, მაგრამ არაუმეტეს 5 სამუშაო დღისა.

1.13 პრეტენდენტის მიერ საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია ვალდებულია მოახდინოს ამ პრეტენდენტის დისკვალიფიკაცია. ასეთ შემთხვევაში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური

დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს. თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას, სატენდერო კომისიას უფლება აქვს შეწყვიტოს ტენდერი;

1.14 შემსყიდველს უფლება აქვს შეაჩეროს ან შეწყვიტოს სატენდერო პროცედურები, თუ ამის აუცილებლობა წარმოიქმნება მისგან დამოუკიდებელი და წინასწარ გაუთვალისწინებელი ობიექტური მიზეზების გამო, აგრეთვე სახელმწიფო ან საზოგადოებრივი ინტერესებიდან გამომდინარე; ამასთან, შემსყიდველი არ არის ვალდებული წარუდგინოს სატენდერო პროცედურებში მონაწილე პირებს დეტალური ინფორმაცია ან კონკრეტული მტკიცებულებანი, რის საფუძველზეც მოხდა სატენდერო პროცედურების შეჩერების ან შეწყვეტის შესახებ გადაწყვეტილების მიღება;

1.15 თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების სრულყოფილად წარმოდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას, რომელიც შემსყიდველი ორგანიზაციის მიერ სისტემაში უნდა აიტვირთოს მისი დადებიდან არაუგვიანეს ხუთი დღისა;

1.16 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი. სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედ დასმული უნდა იყოს უფლებამოსილი პირის მიერ;

1.17 მიმწოდებლის წერილობითი თხოვნით, ან საკუთარი ინიციატივით შემსყიდველი ორგანიზაცია განმარტავს ან/და აზუსტებს ტენდერთან დაკავშირებულ ინფორმაციას, რაც ფორმდება [სატენდერო დოკუმენტაციის დამატების სახით](#) და განთავსდება სისტემაში. აღნიშნული ქმედების გახნორციელების უფლება სატენდერო კომისიას აქვს წინადადებების მიღების ვადის დასრულებამდე არანაკლებ ორი დღით ადრე გამარტივებული ელექტრონული შესყიდვის შემთხვევაში, ხოლო ელექტრონული ტენდერის შემთხვევაში – არანაკლებ ხუთი დღით ადრე. სატენდერო დოკუმენტაციის დამატება არ უნდა ცვლიდეს სატენდერო დოკუმენტაციის თუ განცხადების შინაარსს.

ტექნიკური დოკუმენტაცია

1. ტექნიკური მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში (ელექტრონულად) უნდა ატვირთონ შემდეგი დოკუმენტები და ინფორმაცია:

ა) პრეტენდენტის საბანკო რეკვიზიტები, საიდენტიფიკაციო კოდი, საკონტაქტო ინფორმაცია, ხელმძღვანელის ან უფლებამოსილი პირის სახელი და გვარი, ასევე ინფორმაცია სატენდერო წინადადების მოქმედების ვადის თაობაზე (იხ. დანართი #1);

ბ) ფასების ცხრილი (იხ. დანართი #2);

გ) ინფორმაცია მოსაწოდებელი საქონლის საგარანტიო ვადების თაობაზე (არანაკლებ 1 წელი).

2. შესყიდვის ობიექტის აღწერილობა

2.1 მიმწოდებელმა უნდა მიაწოდოს „All In One“ ტიპის პერსონალური კომპიუტერი ქვემოთ მოცემული ცხრილის პარამეტრების შესაბამისად:

№	საქონლის დასახელება	განზომილების ერთეული.	რაოდენობა.
1	2	3	4
1	პროცესორი: მინიმუმ ორბირთვიანი i5-480M Processor 2.66GHz 1066MHz 3MB L2-ის მსგავსი. მახსოვრობა: მინიმუმ 4გბ - DDR3 მყარი დისკი: მინიმუმ - 1TB 7200rpm SATA II დისკების ჩამწერ/წამკითხავი: DVD+-RW ვიდეო ბარათი: გამოყოფილი, არა ჩაშენებული-მინიმუმ 1GB DDR5 VRAM მახსოვრობით ეკრანი: მინიმუმ - Touchscreen, 23" LED 16:10, LCD TCO03 All In One with integrated WebCamera 0.3 Mpixel Full HD 1920x1080-მახასიათებლებით. ქსელური ინტერფეისი: 1x1Gb/s+უკაბელო WiFi 802.11 b/g/n+ Bluetooth. სატელევიზიო ტუნერი+უკაბელო მართვის მანიპულატორით, კომპიუტერის დისტანციურად სრულად მართვის საშუალებით. ოპტიკური აუდიო გამოსასვლელითა და ჩაშენებული სტერეო ხმის სისტემით. კომპიუტერს უნდა მოყვებოდეს უკაბელო კლავიატურა და „მაუსი“-	ცალი	1

1000dpi-მახასიათებლით.		
ოპერაციული სისტემა: ლიცენზირებული Windows 7 64-ბიტიანი.		
კომპიუტერზე უნდა ვრცელდებოდეს ერთწლიანი მწარმოებლის გარანტია.		

შენიშვნა: სატენდერო კომისია უფლებამოსილია პრეტენდენტს მოსთხოვოს მის მიერ შემოთავაზებული საქონლის ნიმუშების წარმოდგენა და მოთხოვნილ საქონელსა და ნიმუშებს შორის შეუსაბამობის შემთხვევაში პრეტენდენტს მისცეს დისკვალიფიკაცია.

3. ანგარიშსწორების პირობები

3.1 სატენდერო წინადადებაში ერთეულისა და საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2 ანგარიშსწორება მოხდება უნაღლო ანგარიშსწორებით ლარში.

3.3 ანგარიშსწორება მოხდება კანონმდებლობით გათვალისწინებული დოკუმენტაციის გაფორმებიდან არაუმეტეს 20 დღის განმავლობაში.

3.4 საავანსო ანგარიშსწორება არ გამოიყენება.

3.5 ხელშეკრულების უზრუნველყოფის საბანკო ან/და სადაზღვევო გარანტია: არ გამოიყენება;

4. ხელშეკრულების მოქმედების ვადა და მიწოდების პირობები

4.1 შესყიდვის ობიექტის მიწოდება განხორციელდება ხელშეკრულების ხელმოწერიდან **2 კალენდარული დღის** განმავლობაში.

4.2 ხელშეკრულების მოქმედების ვადა განისაზღვრება გაფორმებიდან 2011 წლის 30 ივნისის ჩათვლით.

4.3 შესყიდვის ობიექტის მიწოდების ადგილია: ქ. თბილისი, გმირ კურსანტთა ქ. №1.

5. საკვალიფიკაციო მოთხოვნები

საკვალიფიკაციო მოთხოვნების თანახმად გამარჯვებულმა პრეტენდენტმა შემსყიდველის წერილობითი მოთხოვნის საფუძველზე უნდა წარმოადგინოს შემდეგი დოკუმენტები:

5.1 იურიდიული პირებისათვის და ინდივიდუალური მენარმეებისათვის:

ა) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯარო სამართლებრივი შეზღუდვის (ყადაღის) არარსებობის შესახებ.

ბ) წარმოდგენილი უნდა იქნეს სუბკონტრაქტორის (არსებობის შემთხვევაში) საკვალიფიკაციო მონაცემებიც.

5.2 ფიზიკური პირებისათვის:

ა) პირადობის მოწმობის ასლი;

ბ) წარმოდგენილი უნდა იქნეს სუბკონტრაქტორის (არსებობის შემთხვევაში) საკვალიფიკაციო მონაცემებიც.

5.3 საკვალიფიკაციო მოთხოვნებით გათვალისწინებული ადმინისტრაციული ორგანოებიდან წარმოსადგენი დოკუმენტები წარმოდგენილი უნდა იქნეს მხოლოდ გამარჯვებული პრეტენდენტის მიერ, შემსყიდველი ორგანიზაციის წერილობითი მოთხოვნის შესაბამისად. პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების შემთხვევაში სატენდერო კომისია მოახდენს ამ პრეტენდენტის დისკვალიფიკაციას და მას არ დაუბრუნდება სატენდერო წინადადების უზრუნველყოფის გარანტიის თანხა. პრეტენდენტის საკვალიფიკაციო მონაცემების დამადასტურებელი დოკუმენტები საკვალიფიკაციო შერჩევის დროს შემდგომ დაზუსტებას არ ექვემდებარება.

6. დამატებითი ინფორმაცია

6.1 დაფინანსების წყაროს წარმოადგენს სსიპ საქართველოს შსს აკადემიის საბიუჯეტო სახსრები 2011 წლის ასიგნებების ფარგლებში.

6.2 დამატებითი ინფორმაცია დაინტერესებულ პირებს შეუძლიათ მიიღონ სატენდერო კომისიის აპარატში:

გია ნაცვლიშვილი - 57-33-37, 8(77) 544-522;

ირაკლი მგელაძე - 8(77) 50-12-70.

ხელშეკრულება №

სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად.

ქ. თბილისი

2011 წელი

ერთი მხრივ, სსიპ საქართველოს შსს აკადემია (შემდგომში „შემსყიდველი“) წარმოდგენილი მისი პროორექტორის შოთა ნიჟარაძის სახით და მეორე მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების შესახებ კანონისა და მიმწოდებლის სატენდერო წინადადების საფუძველზე, დებენ სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 მიმწოდებელმა უნდა მიაწოდოს „All In One“ ტიპის პერსონალური კომპიუტერი ფასების ცხრილის შესაბამისად (დანართი #2)
- 2.2 მიწოდებულ საქონელზე მოქმედებს საგარანტიო პერიოდი ---- თვის განმავლობაში.

3. ხელშეკრულების ჯამური ღირებულება

3.1 ხელშეკრულების ჯამური ღირებულება შეადგენს ----- ლარს.

3.2 ხელშეკრულების ჯამური ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4. ანგარიშსწორების ფორმა და ვადები

4.1 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

4.2 მიმწოდებელთან ანგარიშსწორება განხორციელდება მხარეთა მიერ ხელშეკრულებით გათვალისწინებული საქონლის მიწოდების შემდეგ კანონმდებლობით დადგენილი დოკუმენტაციის გაფორმების საფუძველზე.

4.3 მიმწოდებელთან ანგარიშსწორება განხორციელდება შესაბამისი დოკუმენტაციის ხელმოწერიდან 20 დღის განმავლობაში.

5. საქონლის მიღება-ჩაბარების წესი

5.1 საქონელი ჩაითვლება მიწოდებულად მხოლოდ კანონმდებლობით დადგენილი დოკუმენტაციის გაფორმების შემდეგ.

6. საქონლის მიწოდების ადგილი და ვადა

6.1 საქონლის მიწოდება განხორციელდება მისამართზე: ქ. თბილისი, გმირ კურსანტთა ქ. №1.

6.2 შესყიდვის ობიექტის მიწოდება განხორციელდება ხელშეკრულების ხელმოწერიდან 2 კალენდარული დღის განმავლობაში.

7. მხარეთა უფლება-მოვალეობები

7.1 შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7.2 შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3 მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებულ ვადებში.

7.4 მიმწოდებელი ვალდებულია მიაწოდოს სათანადო ხარისხის საქონელი.

8. ხელშეკრულების შესრულების კონტროლი

8.1 შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2 ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს გრიგოლ ჩხაიძე.

9. პირგასამტეხლო ხელშეკრულების პირობების შეუსრულებლობისათვის

9.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების ღირებულების 0,2%-ის ოდენობით.

9.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა და ხელშეკრულების შეწყვეტა

10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 მხარე ვალდებულია არანაკლებ 3 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს 10.3 პუნქტით გათვალისწინებულ გადაწყვეტილების მიღების განზრახვის შესახებ

10.5 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1 ხელშეკრულება ძალაში შედის მისი ხელმოწერის დღიდან და მოქმედებს 2011 წლის 30 ივნისის ჩათვლით.

მხარეთა რეკვიზიტები:

შემსყიდველი:

სსიპ საქართველოს შსს აკადემია
მის: ქ. თბილისი, გმირ კურსანტთა ქ. №1
საიდენტიფიკაციო კოდი 209 467 628
სახელმწიფო ხაზინა (ა/ა 200122900)

მიმწოდებელი:

პრორექტორი

ბ.ა.

ბ.ა.

შოთა ნიჟარაძე

1. პრეტენდენტის რეკვიზიტები	
პრეტენდენტის იურიდიული ფორმა და დასახელება	
ხელმოწერის სახელი, გვარი	
პრეტენდენტის იურიდიული და ფაქტური მისამართი	
საიდენტიფიკაციო კოდი	
პრეტენდენტის ტელეფონის ნომერი	
მომსახურე ბანკის დასახელება	
ბანკის კოდი	
ანგარიშსწორების ანგარიში	

2. ინფორმაცია სატენდერო წინადადების მოქმედების ვადის თაობაზე (სისტემაში წინადადებების მიღების დაწყებიდან არანაკლებ 30 კალენდარული დღე)
სატენდერო წინადადება ძალაშია 2011 წლის _____ -მდე

პრეტენდენტის ხელმოწერა

ბ.ა.

ფასების ცხრილი

პრეტენდენტის დასახელება _____

№	საქონლის დასახელება	ზომის ერთეული.	რაოდენობა.	ერთ ფასი.	ჯამი
1	2	3	4	5	6
	პროცესორი: მინიმუმ ორბირთვიანი i5-480M Processor 2.66GHz 1066MHz 3MB L2-ის მსგავსი. მახსოვრობა: მინიმუმ 4გბ - DDR3 მყარი დისკი: მინიმუმ - 1TB 7200rpm SATA II დისკების ჩამწერ/წამკითხავი: DVD+-RW ვიდეო ბარათი: გამოყოფილი, არა ჩაშენებული-მინიმუმ 1GB DDR5 VRAM მახსოვრობით ეკრანი: მინიმუმ - Touchscreen, 23" LED 16:10, LCD TCO03 All In One with integrated WebCamera 0.3 Mpixel Full HD 1920x1080-მახასიათებლებით. ქსელური ინტერფეისი: 1x1Gb/s+უკაბელო WiFi 802.11 b/g/n+ Bluetooth. სატელევიზიო ტუნერი+უკაბელო მართვის მანიპულატორით, კომპიუტერის დისტანციურად სრულად მართვის საშუალებით. ოპტიკური აუდიო გამოსასვლელითა და ჩაშენებული სტერეო ხმის სისტემით. კომპიუტერს უნდა მოყვებოდეს უკაბელო კლავიატურა და „მაუსი“-1000dpi-მახასიათებლით. ოპერაციული სისტემა: ლიცენზირებული Windows 7 64-ბიტიანი. კომპიუტერზე უნდა ვრცელდებოდეს ერთწლიანი მწარმოებლის გარანტია.	ცალი	1		
	ჯამი:				

პრეტენდენტის ხელმოწერა _____

ბ.ა.